

Ո Ր Ո Շ ՈՒ Մ

Ճանապարհային ոստիկանության կողմից կայացված 06.07.2020թ. 7-13-7503 որոշման վարույթը վերսկսելու և վարչական իրավախախտման վերաբերյալ գործով 13.05.2020թ. կայացված ԱՖ245295 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<<21>> 08 2020թ. 7-13 3314

ք.Երևան

Ճանապարհային ոստիկանության պետի պաշտոնակատար, ոստիկանության գնդապետ Ն.Սարգսյանս, վերանայելով Արայիկ Ղուկասյանի ՄԴ/108550-20 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Իջևան քաղաքի Չարենցի փողոցի 70 տան բնակիչ Արայիկ Ղուկասյանը դիմումով խնդրել է Ճանապարհային ոստիկանության կողմից կայացված 06.07.2020թ. 7-13-7503 որոշման վարույթը վերսկսել և բեկանել Ճանապարհային ոստիկանության վարչական իրավախախտման վերաբերյալ գործով 13.05.2020թ. կայացված ԱՖ245295 որոշումը՝ նշելով, որ ինքը ունի ժամանակավոր վարորդական իրավունքի վկայական, որի պատճենը դիմումին կից ներկայացրել է:

Դիմումի քննարկման արդյունքում պարզվել է, որ Ճանապարհային ոստիկանության կողմից կայացված 06.07.2020թ. 7-13-7503 որոշման վարույթը ենթակա է վերսկսման և վարչական տույժ նշանակելու մասին 13.05.2020թ. կայացված ԱՖ245295 որոշումը ենթակա է բեկանման հետևյալ պատճառաբանությամբ.

<<Վարչարարության հիմունքների և վարչական վարույթի մասին>> օրենքի 51-րդ հոդվածի 1-ին մասի համաձայն՝ վարչական մարմինը վարույթի մասնակիցների դիմումի հիման վրա պարտավոր է որոշում ընդունել բողոքարկման ոչ ենթակա վարչական ակտը փոփոխելու, անվավեր կամ ուժը կորցրած ճանաչելու վերաբերյալ, եթե՝

<<Ա>> վարչական ակտ ընդունելուց հետո դրա հիմքում դրված փաստական հանգամանքները կամ ակտի հասցեատիրոջ կարգավիճակը փոփոխվել են հոգուտ այն անձի, որը վարույթը վերսկսելու հարցով դիմում է ներկայացրել.

<<Բ>> առկա են նոր ապացույցներ, որոնք կարող են հանգեցնել վարույթը վերսկսելու հարցով դիմած անձի համար ավելի բարենպաստ որոշում ընդունելուն.

<<Գ>> ի հայտ են եկել տվյալ գործի համար էական նշանակություն ունեցող այնպիսի նոր հանգամանքներ, որոնք հայտնի չեն եղել և չէին կարող հայտնի լինել վարույթը վերսկսելու հարցով դիմած անձանց, կամ թեև հայտնի են եղել նրանց, սակայն այդ անձանցից անկախ հանգամանքներով չեն ներկայացվել վարչական ակտն ընդունող վարչական մարմին.

Ուսումնասիրությամբ պարզվել է, որ 04.05.2020թ. ժամը 22:40-ի սահմաններում Նոյեմբերյան քաղաքի Երևանյան խճուղում քաղաքացի Արայիկ Ղուկասյանի վարած <<VAZ 21061>> մակնիշի 35GD215 հաշվառման համարանիշի ավտոմոբիլը կանգնեցվել է Ճանապարհային ոստիկանության ՃՊԾ 2-րդ սպայական գումարտակի 5-րդ

37

սպայական վաշտի 2-րդ սպայական դասակի ավագ տեսուչ, ոստիկանության մայոր Ա.Ավետյանի և Ռ.Ղուկասյանի կողմից՝ ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> 28.06.2007թ թիվ 955-Ն որոշման 80-րդ կետի պահանջի խախտման համար, այն է՝ վարորդն ավտոմոբիլը տեղակայել է երթևեկելի մասի երկրորդ շարքում: Վարչական իրավախախտումների վերաբերյալ ՀՀ օրենսգրքի 124-րդ հոդվածի 21-րդ մասի համաձայն կայացվել է վարչական իրավախախտման վերաբերյալ գործով ԱՖ245052 որոշումը: Վերը նշված արձանագրությունը համակարգչային բազա մուտքագրելիս պարզվել է, որ Արայիկ Ղուկասյանին տրամադրված RM236812 համարի վարորդական վկայականը 12.01.2019 թվականից մինչև 12.01.2020 թվականը գտնվել է <<Զրկված>> կարգավիճակում այդ իսկ պատճառով Ճանապարհային ոստիկանության ՃՊԾ 2-րդ սպայական գումարտակի 5-րդ սպայական վաշտի 2-րդ սպայական դասակի ավագ տեսուչ, ոստիկանության մայոր Վ.Գալստյանի կողմից Վարչական իրավախախտումների վերաբերյալ ՀՀ օրենսգրքի 128-րդ հոդվածի 1-ին մասի համաձայն կայացվել է վարչական իրավախախտման վերաբերյալ գործով ԱՖ245295 որոշումը, որը քաղաքացի Արայիկ Ղուկասյանի կողմից բողոքարկվել է վերադատության կարգով և 06.07.2020թ. կայացվել է թիվ 7-13-7503 որոշումը՝ Ճանապարհային ոստիկանության վարչական իրավախախտման վերաբերյալ գործով 13.05.2020թ. կայացված ԱՖ245295 որոշումն անփոփոխ, իսկ վարչական բողոքն առանց բավարարման թողնելու մասին, քանի որ Ճանապարհային ոստիկանության էլեկտրոնային ռեգիստրի համաձայն քաղաքացի Արայիկ Ղուկասյանին տրամադրված RM236812 համարի վարորդական վկայականը 12.01.2019 թվականից մինչև 12.01.2020 թվականը գտնվել է <<Զրկված>> կարգավիճակում: Դիմումատուին 01.06.2020թ-ից հատկացվել է ժամանակավոր վարորդական վկայական RM236812 <<B,C>> վարորդական վկայականի հիման վրա և պարբերաբար այն երկայացվել մինչև 15.08.2020թ, որը նախկինում չի ներկայացրել վարույթ իրականացնող մարմնին:

Այսպիսով, վարչական իրավախախտման գործով 13.05.2020թ. կայացված ԱՖ245295 որոշմամբ ամրագրված իրավախախտումը չի հիմնավորվել, քանի որ դիմումատուին 01.06.2020թ-ից հատկացվել է ժամանակավոր վարորդական վկայական RM236812 <<B,C>> վարորդական վկայականի հիման վրա և պարբերաբար այն երկայացվել մինչև 15.08.2020թ, ուստի բացակայում է մեղքը, հետևաբար առկա չէ զանցակազմը, իսկ վարչական իրավախախտումների վերաբերյալ ՀՀ օրենսգրքի 9-րդ հոդվածի 1-ին մասի համաձայն՝ վարչական իրավախախտում (զանցանք) է համարվում պետական կամ հասարակական կարգի, սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Ելնելով վերոգրյալից, ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. Ճանապարհային ոստիկանության կողմից կայացված 06.07.2020թ. 7-13-7503 որոշման վարույթը վերսկսել և Ճանապարհային ոստիկանության վարչական իրավախախտումների վերաբերյալ գործով 13.05.2020թ. կայացված ԱՖ245295 որոշումը բեկանել և վարչական իրավախախտման վերաբերյալ գործի վարույթը կարճել:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Արայիկ Ղուկասյանին և Ճանապարհային ոստիկանության ՃՊԾ 2-րդ սպայական գումարտակ, ինչպես նաև քննարկելու հետագայում նմանատիպ դեպքերը բացառելու համար:

Կատարող՝ Ռ.Ավետիսյան
Հեռ. 011. 011-54-47-83



[Signature] Ն.Սարգսյան